

重脩直隸陝州志卷十六

武進龔松林塵園編次

藝文傳

鄭興節錄後漢書

鄭興字少贛河南開封人也少學公羊春秋晚善左氏傳

逐積精深思通達其旨同學者皆師之天鳳中將門人從

劉歆講正大義歆美興才使撰條例章句訓詁及校三統

歷建武六年侍御史杜林先與興同寓隴右廼薦之曰

竊見河南鄭興執義執固敦悅詩書好古博物見疑不惑

有公孫僑觀射父之德宜侍帷幄典職機密昔張仲在周
燕翼宣王而詩人悅喜惟陛下聽晉少察以助萬分廼徵
爲大中大夫 興數言政事依經守義文章溫雅然以不
善識故不能任九年使監征南積弩營於津鄉會征南將
軍岑彭爲刺客所殺興頌其營遂與大司馬吳漢俱擊公
孫述述死詔興與晉屯成都頃之侍御史舉奏興奉使私買
奴婢坐左轉蓮勺令是時喪亂之餘郡縣殘荒興方欲築
城郭脩禮教以化之會以事免興好古學充明左氏周官
長於歷數自杜林桓譚衛宏之屬莫不斟酌焉世言左氏

者多祖於興而賈逵自傳其父業故有鄭賈之學
勺後遂不復仕客授閬鄉三公連辟不肯應卒於家子

楊震

節錄後漢書

楊震字伯起弘農華陰人也八世祖喜高祖時有功封赤
泉侯高祖敞昭帝時爲丞相封安平侯父寶習歐陽尚書
哀平之世隱居教授居攝二年與兩龔蔣詡俱徵遂遁逃
不知所處光武高其節建武中公車特徵老病不到卒於
家震少好學受歐陽尚書於太常桓郁明經博覽無不窮
究諸儒爲之語曰關西孔子楊伯起常客居於湖不答州

郡禮命數十年衆人謂之晚暮而震志愈篤後有冠雀銜
三鱸魚飛集講堂前都講取魚進曰蛇鱸者卿大夫服之
象也數三者法三臺也先生自此升矣年五十乃始仕州
郡大將軍鄧騭聞其賢而辟之舉茂才四遷京州刺史東
萊太守當之郡道經昌邑故所舉荊州茂才王密爲昌邑
令謁見至夜懷金十斤以遺震震曰故人知君君不知故
人何也密曰暮夜無知者震曰天知神知我知子知何謂
無知密愧而出後轉涿郡太守性公廉不受私謁子孫常
蔬食步行故舊長者或欲令爲開產業震不肯曰使後世

稱爲清白吏子孫以此遺之不亦厚乎元初四年徵入爲太僕遷太常先是博士選舉多不以竇震舉薦明經名士陳番楊倫等顯傳學業諸儒稱之永寧元年代劉愷爲司徒明年鄧太后崩內寵始橫安帝乳母王聖因保養之勤緣恩放恣聖子女伯榮出入宮掖傳通姦賂震上疏

書奏不省延光二年代劉愷爲太尉帝舅大鴻臚耿寶薦中常侍李閏兄於震震不從寶乃自往侯震曰李常侍國家所重欲令公辟其兄寶惟傳上意耳震曰如朝廷欲令三府辟召故宜有尚書敕遂拒不許寶大恨而去皇后兄

執金吾閭顯亦薦所親厚於震震又不從司空劉授聞之
卽辟此二人旬日中皆見拔擢由是震益見怨時詔遣使
者大爲阿母脩第中常侍樊豐及侍中周廣謝暉等更相
扇動傾搖朝廷震復上疏 豐暉等見震連切諫不從無
所顧忌遂詐作詔書調發司農錢穀大匠見徒材木各起
家舍園池廬觀役費無數震因地震復上疏 震前後所
上轉有切至帝旣不平之而樊豐等皆側目憤怨俱以其
名儒未敢加害尋有河間男子趙騰詣闕上書指陳得失
帝發怒遂收考詔獄詰以罔上不道震復上疏救之 帝

省騰竟伏尸都市會三年春東巡岱宗樊豐等囚乘輿
在外競脩第宅震部掾高舒召大匠令使考校之得豐等
所詐下詔書具奏須行還上之豐等聞惶怖會太史言星
變逆行遂共譖震云自趙騰死後深用怨慙且鄧氏故吏
有恚恨之心及車駕行還便時太學夜遣使者策收震太
尉印綬於是柴門絕賓客豐等復惡之乃請大將軍耿寶
奏震大臣不服罪懷恚望有詔遣歸本郡震行至城西夕
陽亭乃慷慨謂其諸子門人曰死者土之常分吾蒙恩居
上司疾姦臣狡猾而不能誅惡嬖女傾亂而不能禁何面

目復見日月身死之日以雜木爲棺布單被裁足蓋形勿
歸家次勿設祭祠因飲醢而卒時年七十餘弘農太守移
良承樊豐等旨遣吏於陝縣畱停震喪露棺道側謫震諸
子代郵行書道路皆爲隕涕歲餘順帝卽位樊豐周廣等
誅死震門生虞放陳翼詣闕追訟震事朝廷咸稱其忠乃
下詔除二子爲郎贈錢百萬以禮改葬於華陰潼亭遠近
畢至先葬十餘日有大鳥高丈餘集震喪前俯仰悲鳴
下霑地喪畢乃飛去郡以狀上時連有災異帝感震之
乃下詔策曰故太尉震正直是與俾匡時政而青蠅

同茲在藩上天降威災眚屢作爾卜爾筮惟震之故朕之不德用彰厥咎山崩棟折我其危哉今使太守丞以中牢具祠魂而有靈儻其歆享於是時人立石鳥象於其墓所震五子長子牧富波相牧孫奇靈帝時爲侍中帝嘗從容問奇曰朕何如桓帝對曰陛下之於桓帝亦猶虞舜比德唐堯帝不悅曰卿強項眞楊震子孫死後必復致大鳥矣出爲汝南太守帝崩後復入爲侍中衛尉從獻帝西遷有功勤及李傕脅帝歸其營奇與黃門侍郎鍾繇誘傕部曲將宋曄楊昂令反傕傕由此孤弱帝乃得東後徙都許

追封竒子亮爲陽城亭侯震少子奉奉子敷篤志博聞議者以爲能世其家敷早卒子衆亦傳先業以謁者僕射從獻帝入關累遷御史中丞及帝東遷夜走渡河衆率諸官屬步從至太陽拜侍中建安二年追前功封荔亭侯

張楷

後漢書

張楷字公超蜀郡成都人父霸葬於河南梁縣遂家焉通嚴氏春秋古文尚書門徒常百人賓客慕之自父黨風儒偕造門焉車馬填街徒從無所止黃門及貴戚之家皆起舍巷次以候過客往來之利楷疾其如此輒徙避之家貧

無以爲業常乘驢車至縣賣藥足給食者輒還鄉里司隸
舉茂才除長陵令不至官隱居弘農山中學者隨之所居
成市後華陰山南遂有公超市五府連辟舉賢良方正不
就漢安元年順帝特下詔告河南尹曰故長陵令張楷行
慕原憲操擬夷齊輕貴樂賤竄跡幽藪高志確然獨拔羣
俗前此徵命盤桓未至將主者翫習於常優賢不足使其
難進歟郡時以禮發遣楷復告疾不到建和三年詔安車
備禮聘之辭以篤疾不行年七十終於家

隱者焦先

高士傳曰世莫知先所出或言生乎漢末自陝居太陽無
父母兄弟妻子見漢室衰乃自絕不言及魏受禪常結草
爲廬於河之湄獨止其中冬夏恒不著衣卧不設席又無
草蓐以身親土其體垢汙皆如泥漆五形盡露不行人間
或數日一食欲食則爲人賃作人以衣衣之乃使限功受
直足得一食輒去人欲多與終不肯取亦有數日不食時
行不由邪徑目不與女子逆視口未嘗言雖有驚急不與
人語遺以食物皆不受河東太守杜恕嘗以衣服迎見而
不與語司馬景王聞而使安定太守董經因事過視又不

肯語經以爲大賢其後野火燒其廬先因露寢遭冬雪大
至先祖卧不移人以爲死就視知生不以爲病人莫能審
其意度年可百歲餘乃卒

王濬

節錄晉書

王濬字士治弘農湖人也家世二千石濬博涉墳典美姿
貌不脩各行不爲鄉曲所稱晚乃變節踈通亮達恢廓有
大志嘗起宅開門前路廣數十步人或謂之何太過濬曰
吾欲使容長戟幡旗衆咸笑之濬曰陳勝有言燕雀安知
鴻鵠之志州郡辟河東從事守令有不廉潔者皆望風自

引而去 重拜益州刺史武帝謀伐吳詔濬脩舟艦濬乃
作大船連舫方百三十步受二千餘人以木爲城起樓櫓
開四出門其上皆得馳馬往來又畫鵠首怪獸於船首以
懼江神舟楫之盛自古未有濬造船於蜀其木梯蔽江而
下吳建平太守吳彥取流梯以呈孫皓曰晉必有攻吳之
計宜增建平兵建平不下終不敢渡皓不從尋以謠言拜
濬爲龍驤將軍監益梁諸軍事 太康元年正月濬發自

成都率巴東監軍廣武將軍唐彬攻吳丹陽剋之擒其丹
陽監盛紀吳人於江險磧要害之處並以鐵鎖橫截之又

作鐵錐長丈餘暗置江中以逆距船先是羊祜獲吳間諜具知情狀濬乃作大筏數十亦方百餘步縛草爲人被甲持杖令善水者以筏先行筏遇鐵錐輒著筏去又作火炬長十餘丈數十圍灌以麻油在船前遇鑠然炬燒之須臾融液斷絕於是船無所礙二月庚申尅吳西陵獲其鎮南將軍留憲征南將軍成據宜都太守虞忠壬戌尅荆門夷道二城獲監軍陸晏乙丑尅樂鄉獲水軍督陸景平西將軍施洪等來降乙亥詔進濬爲平東將軍假節都督益梁諸軍事濬自發蜀兵不血刃攻無堅城夏口武昌無相

支抗於是順流鼓棹徑造三山皓遣遊擊將軍張象率舟
軍萬人禦濬象軍望旗而降皓聞濬軍旌旗器甲屬天淵
江威勢甚盛莫不破膽壬寅濬入於石頭皓乃備亡國
之禮素車白馬肉袒面縛銜璧牽羊大夫袞服士輿觀率
其僞太子瑾瑾弟魯王虔等二十一人造於壘門濬躬解
其縛受璧焚櫬送於京師收其圖籍封其府庫軍無私焉
遷濬鎮軍大將軍加散騎常侍領後軍將軍後又轉濬
撫軍大將軍開封儀同三司加特進散騎常侍後軍將軍
如故太康六年卒時年八十謚曰武葬栢谷山大營塋域

墓垣周四十五里面別開一門松柏茂盛子矩嗣

楊尚希 節錄北史

楊尚希弘農人也祖真魏天水太守父承寶商直浙三州
刺史尚希齟齬而孤年十一辭母請受業長安涿郡盧辯
見而異之令入太學專精不倦同輩皆共推服周文帝嘗
親臨釋奠尚希年十八令講孝經詞旨可觀文帝奇之賜
姓普六茹氏擢爲國子博士累轉舍人上士明武世歷太
學博士太子宮尹計部中大夫賜爵高都縣侯東京司憲
中大夫撫慰山東河北至相州而宣帝崩與相州總管尉